



## নারায়ণগঞ্জ সিটি কর্পোরেশন

১০ বঙ্গবন্ধু রোড, নগর ভবন  
নারায়ণগঞ্জ  
www.ncc.gov.bd

### নারায়ণগঞ্জ সিটি কর্পোরেশনের সার্বিক কার্যক্রম পরিচালনার লক্ষ্যে 'স্থানীয় সরকার (সিটি কর্পোরেশন) (সংশোধন) অধ্যাদেশ ২০২৪'এর ধারা ২৫ (ক) (২) মোতাবেক সরকার কর্তৃক গঠিত কমিটির ১ম সভার কার্যবিবরণী:

সভাপতি :	জনাব এ, এইচ, এম কামরুজ্জামান প্রশাসক নারায়ণগঞ্জ সিটি কর্পোরেশন।
সভার তারিখ :	১৬/১০/২০২৪ খ্রিঃ, রোজ: বুধবার।
সময় :	বিকাল ০৩.০০ টা
সভার স্থান :	সম্মেলন কক্ষ, নগর ভবন কার্যালয়, নারায়ণগঞ্জ সিটি কর্পোরেশন।

### উপস্থিত সম্মানিত উপস্থিতিগণের নামের তালিকা (স্বাক্ষরের ক্রমানুসারে) সংযুক্ত (পরিশিষ্ট "ক" দ্রষ্টব্য)।

জনাব এ, এইচ, এম কামরুজ্জামান, প্রশাসক, নারায়ণগঞ্জ সিটি কর্পোরেশন মহোদয় সভাপতির আসন গ্রহণ করেন এবং তিনি সরকার কর্তৃক গঠিত কমিটির সম্মানিত সকল সদস্যগণকে সভায় স্বাগত জানান। অতঃপর সকলকে শুভেচ্ছা জানিয়ে উপস্থিত সকলের একে অপরের সাথে পরিচয়পর্ব অনুষ্ঠিত হয়। পরিচয়পর্ব শেষে সভাপতি মহোদয় সকলকে ধন্যবাদ জানিয়ে আলোচ্যসূচি অনুযায়ী সভার কার্যক্রম শুরু করার জন্য প্রধান নির্বাহী কর্মকর্তাকে আহ্বান করেন।

প্রধান নির্বাহী কর্মকর্তা জনাব মোহাম্মদ জাকির হোসেন উপস্থিত সকলকে ধন্যবাদ জানিয়ে বলেন যে, নাগরিক সেবা সহজীকরণসহ নারায়ণগঞ্জ সিটি কর্পোরেশনের সার্বিক কার্যক্রম যাতে সুষ্ঠুভাবে দ্রুত সম্পাদন করা যায় সেজন্য অদ্যকার এই সভার আয়োজন করা হয়েছে। অতঃপর তিনি সভার আলোচ্যসূচি অনুযায়ী সভার কার্যক্রম শুরু করেন।

### আলোচ্যসূচি- ১: ডেঙ্গু প্রতিরোধে কার্যক্রম পর্যালোচনা সংক্রান্ত আলোচনা।

**আলোচনা:** মেডিকেল অফিসার ডাঃ নাফিয়া ইসলাম উপস্থিত সকলকে ধন্যবাদ দিয়ে জানান যে, ডেঙ্গু রোগের বাহক এডিস মশা নিধন, প্রতিরোধ এবং জনসচেতনতা সৃষ্টির লক্ষ্যে নারায়ণগঞ্জ সিটি কর্পোরেশন নিম্নোক্ত কার্যক্রম গ্রহণ করেছে:

#### ক. সাংগঠনিক কাঠামো/ প্রাতিষ্ঠানিক কাঠামো

- ১। নগরীর তিন অঞ্চলের ২৭ টি ওয়ার্ডের জন্য ৯টি মনিটরিং টিম গঠন করা হয়েছে।
- ২। নগরীর তিন অঞ্চলের জন্য ০২ (দুই) জন করে সুপারভাইজার নিয়োজিত যারা মনিটরিং টিম ও মশক কর্মীদের সাথে সার্বক্ষণিক যোগাযোগ রেখে কাজ করেন।
- ৩। প্রতিটি ওয়ার্ডে মশক নিধন ও ডেঙ্গু প্রতিরোধে ৫ সদস্য বিশিষ্ট টিম রয়েছে।
- ৪। মশক নিধনে ১৫ সদস্য বিশিষ্ট স্পেশাল টিম গঠন করা হয়েছে।

#### খ. মশক নিধন কার্যক্রম

- ১। প্রতিদিন ২৭টি ওয়ার্ডে পূর্বাঙ্কে (সকাল ৮:০০টা হতে দুপুর ১২:০০টা) হ্যান্ড স্প্রে মেশিনের মাধ্যমে লার্ভিসাইড এবং এল.ডি.ও ছিটানো হয়।
- ২। প্রতিদিন অপরাঙ্কে (বিকাল ৪:০০টা হতে সন্ধ্যা ৭:০০টা) ফগার মেশিনের সাহায্যে এডাল্টসাইড ফগিং করা হয়।
- ৩। বিশেষ প্রয়োজনে নগরী গুরুত্বপূর্ণ রাস্তা ও ঝুঁকিপূর্ণ জায়গায় স্পেশাল টিমের সাহায্যে ফগিং করানো হয়েছে।
- ৪। নগরীর নর্দমা, খাল ও বদ্ধ জলাশয়ে অয়েল বল প্রয়োগ করা হয়।
- ৫। মশক ঝুঁকিপূর্ণ স্থানসমূহে নিয়মিত বিশেষ অভিযান পরিচালনা করা হয়।

#### গ. সচেতনতা কার্যক্রম

- ১। জনসচেতনতামূলক লিফলেট বিতরণ করা হয়।
- ২। নগরীর প্রতিটি ওয়ার্ডে ডেঙ্গু সচেতনতামূলক মাইকিং করা হচ্ছে।
- ৩। শিক্ষা প্রতিষ্ঠানসমূহে সচেতনতামূলক কর্মসূচি গ্রহণ করা হয়েছে।
- ৪। সামাজিক যোগাযোগ মাধ্যমে জনসচেতনতামূলক বার্তা প্রচার করা হয়।
- ৫। ধর্মীয় নেতাদের (ইমাম, পুরোহিত, ফাদার) মাধ্যমে ডেঙ্গু বিষয়ক সচেতনতামূলক বার্তা/ চিঠি এর মাধ্যমে প্রচার করা হচ্ছে, বিশেষ করে মসজিদের সম্মানিত ইমামগণকে জুম্মার নামাজের বয়ানে ডেঙ্গু বিষয়ে কথা বলার জন্য চিঠির মাধ্যমে অনুরোধ করা হয়েছে।
- ৬। মার্কেট, শপিং মল মালিক/ ব্যবসায়ী প্রতিনিধিদের সম্পৃক্ত করে সচেতনতামূলক কর্মসূচী গ্রহণ করা হয়েছে।

- ৭। নগরীর প্রতি ওয়ার্ডে ডেঙ্গু নিধন সভার আয়োজন করা হয়েছে।  
 ৮। ডেঙ্গু নিধন ও জনসচেতনতা করার জন্য মোবাইল কোর্ট পরিচালিত হয়েছে।  
 ৯। মশক ঝুঁকিপূর্ণ স্থানে নিয়মিত সিটি কর্পোরেশনের আওতাধীন এলাকায় বিভিন্ন খাল, নর্দমা, বন্ধ জলাশয় স্থানসমূহে লার্ভিসাইড ও এল.ডি.ও ছিটানো হয়।

#### ঘ. প্রতিরোধ কার্যক্রম

- ১। ডেঙ্গু আক্রান্তের তথ্য সংগ্রহ করে আবাসস্থল ও তার চারপাশে নিয়মিত অভিযান পরিচালনা করা হচ্ছে।  
 ২। নগরীর বিভিন্ন ওয়ার্ডে নিয়মিত পরিচ্ছন্নতা অভিযান পরিচালনা করা হচ্ছে।  
 ৩। নারায়ণগঞ্জ সিটি কর্পোরেশনের আওতায় পরিচালিত ৪টি নগর স্বাস্থ্যকেন্দ্রে নিয়মিত বিনামূল্যে ডেঙ্গু পরীক্ষা করা হচ্ছে। হাসপাতালগুলোতে ডেঙ্গু আক্রান্ত রোগীদের প্রাথমিক চিকিৎসা প্রদান করা হয়।

এছাড়াও তিনি ২০২৪ সালে নারায়ণগঞ্জ সিটি কর্পোরেশন এলাকায় ডেঙ্গু আক্রান্ত রোগীদের মাসিক সর্বশেষ তথ্য সকলের সামনে উপস্থাপন করেন। যা নিম্নরূপ:

মাসের নাম	রোগীর সংখ্যা	মন্তব্য
জানুয়ারি	৮	-
ফেব্রুয়ারি	৪	-
মার্চ	৩	-
এপ্রিল	২	-
মে	৬	-
জুন	৩	-
জুলাই	৬	-
আগস্ট	১৭	-
সেপ্টেম্বর	১০০	-
অক্টোবর	৭৭	চলতি মাসের অসমাপ্ত রিপোর্ট
নভেম্বর	-	-
ডিসেম্বর	-	-

তিনি আরোও জানান যে, বর্তমানে সারাদেশে ডেঙ্গু জ্বরের পিক সিজন চলমান। সকলকে সচতন করতে পারলেই এ রোগের বাহক এডিস মশার উৎপত্তিস্থল ধ্বংস করা সম্ভব। এ বিষয়ে অধিক জোরদার ব্যবস্থা গ্রহণে তিনি উপস্থিত সকলের সহযোগীতা কামনা করেন।

এ প্রসঙ্গে সভাপতি মহোদয় বলেন যে, মাননীয় উপদেষ্টা মহোদয়ের নির্দেশনায় সারা দেশে একযোগে ডেঙ্গু নিধন অভিযান কার্যক্রম চলমান আছে। স্বাস্থ্য মন্ত্রণালয়ের পাশাপাশি সকল পৌরসভা ও সিটি কর্পোরেশনের জন্য এ বিষয়ে আলাদাভাবে আর্থিক বরাদ্দ রাখার জন্য নির্দেশনা রয়েছে। তারপরেও জনসচেতনতার লক্ষ্যে আরো অধিক প্রচার প্রচারণা প্রয়োজন। এ বিষয়ে স্বাস্থ্য মন্ত্রণালয় হতে জেলাভিত্তিক যে সকল কার্যক্রম গ্রহণ করা হয়েছে সে বিষয়ে আলোকপাত করার জন্য তিনি সিভিল সার্জন মহোদয়কে অনুরোধ করেন।

সভায় উপস্থিত সিভিল সার্জন, নারায়ণগঞ্জ ডাঃ এ এফ এম মুশিউর রহমান জানান যে, স্বাস্থ্য মন্ত্রণালয়ের তত্ত্বাবধানে এ বিষয়ে নারায়ণগঞ্জ শহরের বিভিন্ন এলাকায় প্রচার কার্যক্রম পরিচালনা করা হয়েছে। নভেম্বর মাস পর্যন্ত ডেঙ্গুর প্রাদুর্ভাব চলতে পারে। আক্রান্ত রোগীদের ক্ষেত্রে আগের চেয়ে সুস্থতার হার বৃদ্ধি পেয়েছে। এছাড়াও মশা যাতে এক স্থান হতে অন্যত্র স্থানান্তর না হতে পারে এ জন্য বেশ কিছু পদক্ষেপ গ্রহণ করা যেতে পারে। যেমন: বাস ও ট্রেন স্টেশনে আগত বাস/ ট্রেন আসা মাত্রই ফগার মেশিন দিয়ে ফগিং করতে হবে, বিভিন্ন স্কুল ও কলেজগুলোতে বন্ধের দিনগুলোতে (শুক্রবার ও অন্যান্য ছুটির দিন) মশার ওষুধ স্প্রে করাসহ ফগার মেশিনের মাধ্যমে ফগিং করতে হবে, জলাবদ্ধ স্থানে অবশ্যই মশার ওষুধ স্প্রে করতে হবে। নারায়ণগঞ্জ সিটি কর্পোরেশনের গৃহীত ব্যবস্থা বাস্তবায়নে তার প্রতিষ্ঠান হতে সর্বাঙ্গিক সহযোগীতা করা হবে মর্মে জানিয়ে তিনি উপস্থিত সকলকে আশ্বস্ত করেন।

বর্ণিত আলোচনায় অংশ নিয়ে নারায়ণগঞ্জ সিটি কর্পোরেশনের প্রধান নির্বাহী কর্মকর্তা জনাব মোহাম্মদ জাকির হোসেন এ বিষয়ে ছাত্রছাত্রীদের মাধ্যমে প্রত্যেকের পরিবার পর্যায়ে অধিক জনসচেতনতা সৃষ্টির লক্ষ্যে সভায় উপস্থিত জেলা শিক্ষা অফিসার ও জেলা প্রাথমিক শিক্ষা অফিসার এর সহযোগীতা কামনা করেন।

**সিদ্ধান্ত:** বিস্তারিত আলোচনান্তে নারায়ণগঞ্জ সিটি কর্পোরেশন হতে ডেঙ্গু রোগের বাহক এডিস মশা নিধন, প্রতিরোধ এবং জনসচেতনতা কার্যক্রম যেভাবে পরিচালনা করা হচ্ছে তা জোরদার করাসহ নিয়মিতভাবে অব্যাহত রাখার বিষয়ে সর্বসম্মত সিদ্ধান্ত গৃহীত হয়।

**বাস্তবায়নে:** কমিটিতে দায়িত্বপ্রাপ্ত কর্মকর্তা/ প্রতিনিধি (সকল), সংশ্লিষ্ট বিভাগ ও প্রতিষ্ঠান এবং স্বাস্থ্য বিভাগ, নারায়ণগঞ্জ সিটি কর্পোরেশন।

## আলোচ্যসূচি- ২: নারায়ণগঞ্জ সিটি কর্পোরেশনের সকল কাউন্সিলরগণের অপসারণের পর ওয়ার্ড পর্যায়ে সকল কার্যক্রম পরিচালনা সংক্রান্ত আলোচনা।

**আলোচনা:** নারায়ণগঞ্জ সিটি কর্পোরেশনের প্রধান নির্বাহী কর্মকর্তা জনাব মোহাম্মদ জাকির হোসেন জানান যে, গত ২৬/০৯/২০২৪ খ্রিঃ তারিখে স্থানীয় সরকার বিভাগের ৪৬.০০.০০০০.০০০.০৭০.১৮.০০০৬.২৪-৯৫১ নম্বর স্মারকে জারিকৃত প্রজ্ঞাপনের মাধ্যমে দেশের সকল সিটি কর্পোরেশনের কাউন্সিলরগণকে তাদের স্ব-স্ব পদ হতে অপসারণ করা হয়। ইতোমধ্যে জনদুর্ভোগ লাঘবের জন্য নারায়ণগঞ্জ সিটি কর্পোরেশনের ২৭ টি ওয়ার্ডে জন্ম-মৃত্যু নিবন্ধন সনদসহ বিভিন্ন সনদ ও প্রত্যয়নপত্র প্রদানের লক্ষ্যে ১৪ জন কর্মকর্তাগণকে দায়িত্ব প্রদান করা হয়েছে। যা নিম্নরূপ:

ক্রমিক	নাম ও পদবি	দায়িত্বপ্রাপ্ত ওয়ার্ড নম্বর
১	জনাব মোঃ শাহাদাৎ হোসেন, ফুড এন্ড স্যানিটেশন অফিসার, নারায়ণগঞ্জ সিটি কর্পোরেশন।	ওয়ার্ড: ১ ও ২
২	জনাব খন্দকার মোহাম্মদ নাজমুল হক, উপ সহকারী প্রকৌশলী (সিভিল), নারায়ণগঞ্জ সিটি কর্পোরেশন।	ওয়ার্ড: ৩ ও ৪
৩	জনাব মোঃ হাসানুল ইসলাম, সহকারী প্রকৌশলী (সিভিল), নারায়ণগঞ্জ সিটি কর্পোরেশন।	ওয়ার্ড: ৫ ও ৬
৪	জনাব সুমন চন্দ্র দেবনাথ, উপ সহকারী প্রকৌশলী (সিভিল), নারায়ণগঞ্জ সিটি কর্পোরেশন।	ওয়ার্ড: ৭ ও ৮
৫	ডা. নাফিয়া ইসলাম, মেডিকেল অফিসার, নারায়ণগঞ্জ সিটি কর্পোরেশন।	ওয়ার্ড: ৯ ও ১০
৬	জনাব মোঃ মোস্তাফিজুর রহমান, উপ সহকারী প্রকৌশলী (সিভিল), নারায়ণগঞ্জ সিটি কর্পোরেশন।	ওয়ার্ড: ১১ ও ১২
৭	জনাব মোঃ মঈনুল ইসলাম, নগর পরিকল্পনাবিদ, নারায়ণগঞ্জ সিটি কর্পোরেশন।	ওয়ার্ড: ১৩
৮	জনাব মোঃ জহিরুল আলম, বাজার কর্মকর্তা, নারায়ণগঞ্জ সিটি কর্পোরেশন।	ওয়ার্ড: ১৪ ও ১৫
৯	জনাব মোঃ আতিকুর রহমান, সম্পত্তি কর্মকর্তা, নারায়ণগঞ্জ সিটি কর্পোরেশন।	ওয়ার্ড: ১৬ ও ১৭
১০	জনাব এ এস এম মশিউর রহমান, সহকারী প্রকৌশলী (সিভিল), নারায়ণগঞ্জ সিটি কর্পোরেশন।	ওয়ার্ড: ১৮ ও ১৯
১১	জনাব মোঃ কালাম মোল্লা, উপ সহকারী প্রকৌশলী (সিভিল), নারায়ণগঞ্জ সিটি কর্পোরেশন।	ওয়ার্ড: ২০ ও ২১
১২	জনাব মোঃ ইউছুফ আলী, নির্বাহী প্রকৌশলী (সিভিল), নারায়ণগঞ্জ সিটি কর্পোরেশন।	ওয়ার্ড: ২২ ও ২৩
১৩	জনাব মোঃ ইমাম হোসেন, উপ সহকারী প্রকৌশলী (বিদ্যুৎ), নারায়ণগঞ্জ সিটি কর্পোরেশন।	ওয়ার্ড: ২৪ ও ২৫
১৪	জনাব মোঃ রেজাউল ইসলাম, সহকারী প্রকৌশলী (বিদ্যুৎ) [চ.দা.], নারায়ণগঞ্জ সিটি কর্পোরেশন।	ওয়ার্ড: ২৬ ও ২৭

তিনি জানান উপর্যুক্ত বিষয় ছাড়াও বর্তমানে বড় সমস্যা হচ্ছে জন্ম ও মৃত্যু নিবন্ধন সনদ প্রদান করা। জন্ম ও মৃত্যু নিবন্ধনের জন্য অনলাইন ইউজার আইডি ও পাসওয়ার্ড প্রয়োজন হয়। এজন্য পূর্ণাঙ্গ নাগরিক সুবিধা প্রদান করা যাচ্ছে না। হকে বর্ণিত কর্মকর্তাগণের অনুকূলে অতি দ্রুত নিবন্ধক আইডি ও পাসওয়ার্ড প্রদানের জন্য তিনি সভায় উপস্থিত অতিরিক্ত জেলা প্রশাসক, নারায়ণগঞ্জ এর দৃষ্টি আকর্ষণ করেন।

এ বিষয়ে প্রধান নির্বাহী কর্মকর্তার সাথে সভাপতি মহোদয় একমত পোষণ করেন। সে সেক্ষেত্রে যত দ্রুত সম্ভব হয় এ বিষয়টি নিষ্পত্তি করা হবে মর্মে অতিরিক্ত জেলা প্রশাসক, নারায়ণগঞ্জ মহোদয় সকলকে আশ্বস্ত করেন।

**সিদ্ধান্ত:** ওয়ার্ড পর্যায়ে দায়িত্বপ্রাপ্ত কর্মকর্তাগণের মাধ্যমে সকল প্রকার সনদ প্রদানের কার্যক্রম পরিচালনা করা এবং আগামী ০৭ কার্যদিবসের মধ্যে দায়িত্বপ্রাপ্ত কর্মকর্তাগণের অনুকূলে নিবন্ধক আইডি ও পাসওয়ার্ড প্রদানের বিষয়ে সর্বসম্মত সিদ্ধান্ত গৃহীত হয়।

**বাস্তবায়নে:** (১) স্বাস্থ্য বিভাগ, নারায়ণগঞ্জ সিটি কর্পোরেশন, (২) জেলা প্রশাসন, নারায়ণগঞ্জ।

## আলোচ্যসূচি- ৩: নারায়ণগঞ্জ সিটি কর্পোরেশনের বিভিন্ন স্থায়ী কমিটি (Standing Committee) গঠন সংক্রান্ত আলোচনা।

**আলোচনা:** নারায়ণগঞ্জ সিটি কর্পোরেশনের প্রধান সমাজকল্যাণ ও বস্তি উন্নয়ন কর্মকর্তা জনাব কে এম ফরিদুল মিরাজ জানান যে, স্থানীয় সরকার (সিটি কর্পোরেশন) আইন ২০০৯ (২০০৯ সনের ৬০ নং আইন) এর ৫০ ধারা মতে স্থায়ী কমিটি গঠনের বাধ্যবাধকতা রয়েছে। উক্ত ধারায় আরো উল্লেখ রয়েছে যে,

- (১) কর্পোরেশন প্রত্যেক বৎসর উহার প্রথম সভায়, অথবা যথাশীঘ্র সম্ভব, তৎপরবর্তী কোন সভায় নিম্নবর্ণিত বিষয়াদির প্রত্যেকটি সম্পর্কে একটি করিয়া স্থায়ী কমিটি গঠন করিবে যাহার মেয়াদ দুই বৎসর ছয় মাস হইবে;
- (২) এবং দুই বৎসর ছয় মাস পর নূতন করিয়া কমিটি গঠন করিতে হইবে;
- (৩) কর্পোরেশন প্রত্যেক স্থায়ী কমিটির সদস্য সংখ্যা নির্ধারণ করিবে এবং স্থায়ী কমিটির সভাপতি ও সদস্যগণ কাউন্সিলরগণের মধ্য হইতে কর্পোরেশনের সভায় নির্বাচিত হইবে, তবে কোন কাউন্সিলর একই সময়ে দুইটির অধিক স্থায়ী কমিটির সদস্য এবং একটির অধিক স্থায়ী কমিটির সভাপতি হইবেন না।

বর্তমানে দেশে চলমান প্রেক্ষাপটে স্থানীয় সরকার (সিটি কর্পোরেশন) আইন ২০০৯ এর অধিকার সংশোধনকল্পে স্থানীয় সরকার (সিটি কর্পোরেশন) (সংশোধন) অধ্যাদেশ ২০২৪ প্রণয়ন করা হয়েছে। এ অধ্যাদেশের ৩ (২) উপ-ধারা অনুযায়ী নিযুক্ত কমিটির সদস্যবৃন্দ

কাউন্সিলরের ক্ষমতা প্রয়োগ ও দায়িত্ব পালন করিবেন। সে প্রেক্ষিতে স্থানীয় সরকার (সিটি কর্পোরেশন) আইন ২০০৯ এ উল্লেখিত ১৪টি স্থায়ী কমিটি বর্ণিত সদস্যবৃন্দের সমন্বয়ে পুনঃগঠন করা প্রয়োজন। সে প্রেক্ষিতে নিম্নরূপ কমিটি গঠন করা যেতে পারে মর্মে প্রস্তাব উপস্থাপন করেন:

**(১) অর্থ ও সংস্থাপন সংক্রান্ত স্থায়ী কমিটি:**

সভাপতি	-	অতিরিক্ত জেলা প্রশাসক (উন্নয়ন ও মানব সম্পদ), নারায়ণগঞ্জ।
সদস্য	-	প্রশাসক, নারায়ণগঞ্জ সিটি কর্পোরেশন।
সদস্য	-	জেলা শিক্ষা অফিসার, নারায়ণগঞ্জ।
সদস্য	-	মোটরযান পরিদর্শক, বাংলাদেশ সড়ক পরিবহন কর্তৃপক্ষ, নারায়ণগঞ্জ।
সাচিবিক সহায়তা	-	প্রধান হিসাব রক্ষন কর্মকর্তা, নারায়ণগঞ্জ সিটি কর্পোরেশন।

**(২) বর্জ্য ব্যবস্থাপনা সংক্রান্ত স্থায়ী কমিটি:**

সভাপতি	-	নির্বাহী প্রকৌশলী, জনস্বাস্থ্য প্রকৌশল অধিদপ্তর, নারায়ণগঞ্জ।
সদস্য	-	প্রশাসক, নারায়ণগঞ্জ সিটি কর্পোরেশন।
সদস্য	-	প্রতিনিধি, রাজধানী উন্নয়ন কর্তৃপক্ষ (রাজউক), নারায়ণগঞ্জ।
সদস্য	-	নির্বাহী প্রকৌশলী, গণপূর্ত অধিদপ্তর, নারায়ণগঞ্জ।
সাচিবিক সহায়তা	-	প্রধান পরিচ্ছন্ন কর্মকর্তা, নারায়ণগঞ্জ সিটি কর্পোরেশন।

**(৩) শিক্ষা, স্বাস্থ্য, পরিবার পরিকল্পনা এবং স্বাস্থ্যরক্ষা ব্যবস্থা সংক্রান্ত স্থায়ী কমিটি:**

সভাপতি	-	সিভিল সার্জন, নারায়ণগঞ্জ।
সদস্য	-	প্রশাসক, নারায়ণগঞ্জ সিটি কর্পোরেশন।
সদস্য	-	জেলা শিক্ষা অফিসার, নারায়ণগঞ্জ।
সদস্য	-	নির্বাহী প্রকৌশলী, জনস্বাস্থ্য প্রকৌশল অধিদপ্তর, নারায়ণগঞ্জ।
সাচিবিক সহায়তা	-	মেডিকেল অফিসার, নারায়ণগঞ্জ সিটি কর্পোরেশন।

**(৪) নগর পরিকল্পনা ও উন্নয়ন সংক্রান্ত স্থায়ী কমিটি:**

সভাপতি	-	প্রতিনিধি, রাজধানী উন্নয়ন কর্তৃপক্ষ (রাজউক), নারায়ণগঞ্জ।
সদস্য	-	প্রশাসক, নারায়ণগঞ্জ সিটি কর্পোরেশন।
সদস্য	-	নির্বাহী প্রকৌশলী, গণপূর্ত অধিদপ্তর, নারায়ণগঞ্জ।
সদস্য	-	নির্বাহী প্রকৌশলী, স্থানীয় সরকার প্রকৌশল অধিদপ্তর, নারায়ণগঞ্জ।
সাচিবিক সহায়তা	-	নগর পরিকল্পনাবিদ, নারায়ণগঞ্জ সিটি কর্পোরেশন।

**(৫) হিসাব নিরীক্ষা ও রক্ষণ সংক্রান্ত স্থায়ী কমিটি:**

সভাপতি	-	মোটরযান পরিদর্শক, বাংলাদেশ সড়ক পরিবহন কর্তৃপক্ষ, নারায়ণগঞ্জ।
সদস্য	-	প্রশাসক, নারায়ণগঞ্জ সিটি কর্পোরেশন।
সদস্য	-	যুগ্মপরিচালক, বাংলাদেশ অভ্যন্তরীণ নৌ-পরিবহন কর্তৃপক্ষ, নারায়ণগঞ্জ।
সদস্য	-	উপ সহকারী পরিচালক, ফায়ার সার্ভিস এন্ড সিভিল ডিফেন্স, নারায়ণগঞ্জ।
সাচিবিক সহায়তা	-	বাজেট কর্মকর্তা, নারায়ণগঞ্জ সিটি কর্পোরেশন।

**(৬) নগর অবকাঠামো নির্মাণ ও সংরক্ষণ সংক্রান্ত স্থায়ী কমিটি:**

সভাপতি	-	নির্বাহী প্রকৌশলী, গণপূর্ত অধিদপ্তর, নারায়ণগঞ্জ।
সদস্য	-	প্রশাসক, নারায়ণগঞ্জ সিটি কর্পোরেশন।
সদস্য	-	পুলিশ সুপার, নারায়ণগঞ্জ।
সদস্য	-	নির্বাহী প্রকৌশলী, স্থানীয় সরকার প্রকৌশল অধিদপ্তর, নারায়ণগঞ্জ।
সাচিবিক সহায়তা	-	নির্বাহী প্রকৌশলী-১, নারায়ণগঞ্জ সিটি কর্পোরেশন।

**(৭) পানি ও বিদ্যুৎ সংক্রান্ত স্থায়ী কমিটি:**

সভাপতি	-	নির্বাহী প্রকৌশলী, ডিপিডিসি, নারায়ণগঞ্জ।
সদস্য	-	প্রশাসক, নারায়ণগঞ্জ সিটি কর্পোরেশন।
সদস্য	-	নির্বাহী প্রকৌশলী, জনস্বাস্থ্য প্রকৌশল অধিদপ্তর, নারায়ণগঞ্জ।
সদস্য	-	উপ মহাব্যবস্থাপক, তিতাস গ্যাস লিমিটেড, নারায়ণগঞ্জ।
সাচিবিক সহায়তা	-	নির্বাহী প্রকৌশলী-৩, নারায়ণগঞ্জ সিটি কর্পোরেশন।

**(৮) সমাজকল্যাণ ও কমিউনিটি সেন্টার সংক্রান্ত স্থায়ী কমিটি:**

সভাপতি	-	জেলা শিক্ষা অফিসার, নারায়ণগঞ্জ।
সদস্য	-	প্রশাসক, নারায়ণগঞ্জ সিটি কর্পোরেশন।
সদস্য	-	সিভিল সার্জন, নারায়ণগঞ্জ।
সদস্য	-	মোটরযান পরিদর্শক, বাংলাদেশ সড়ক পরিবহন কর্তৃপক্ষ, নারায়ণগঞ্জ।
সাচিবিক সহায়তা	-	প্রধান সমাজকল্যাণ ও বস্তি উন্নয়ন কর্মকর্তা, নারায়ণগঞ্জ সিটি কর্পোরেশন।

**(৯) পরিবেশ উন্নয়ন সংক্রান্ত স্থায়ী কমিটি:**

সভাপতি	-	উপপরিচালক, পরিবেশ অধিদপ্তর, নারায়ণগঞ্জ।
সদস্য	-	প্রশাসক, নারায়ণগঞ্জ সিটি কর্পোরেশন।
সদস্য	-	নির্বাহী প্রকৌশলী, ডিপিডিসি, নারায়ণগঞ্জ।
সদস্য	-	উপ মহাব্যবস্থাপক, তিতাস গ্যাস লিমিটেড, নারায়ণগঞ্জ।
সাচিবিক সহায়তা	-	নগর পরিকল্পনাবিদ, নারায়ণগঞ্জ সিটি কর্পোরেশন।

**(১০) ক্রীড়া ও সংস্কৃতি সংক্রান্ত স্থায়ী কমিটি:**

সভাপতি	-	যুগ্মপরিচালক, বাংলাদেশ অভ্যন্তরীণ নৌ-পরিবহন কর্তৃপক্ষ, নারায়ণগঞ্জ।
সদস্য	-	প্রশাসক, নারায়ণগঞ্জ সিটি কর্পোরেশন।
সদস্য	-	উপপরিচালক, পরিবেশ অধিদপ্তর, নারায়ণগঞ্জ।
সদস্য	-	জেলা প্রাথমিক শিক্ষা অফিসার, নারায়ণগঞ্জ।
সাচিবিক সহায়তা	-	সম্পত্তি কর্মকর্তা, নারায়ণগঞ্জ সিটি কর্পোরেশন।

**(১১) জন্ম-মৃত্যু নিবন্ধন সংক্রান্ত স্থায়ী কমিটি:**

সভাপতি	-	জেলা প্রাথমিক শিক্ষা অফিসার, নারায়ণগঞ্জ।
সদস্য	-	প্রশাসক, নারায়ণগঞ্জ সিটি কর্পোরেশন।
সদস্য	-	সিভিল সার্জন, নারায়ণগঞ্জ।
সদস্য	-	উপপরিচালক, পরিবেশ অধিদপ্তর, নারায়ণগঞ্জ।
সাচিবিক সহায়তা	-	মেডিকেল অফিসার, নারায়ণগঞ্জ সিটি কর্পোরেশন।

**(১২) যোগাযোগ সংক্রান্ত স্থায়ী কমিটি:**

সভাপতি	-	নির্বাহী প্রকৌশলী, স্থানীয় সরকার প্রকৌশল অধিদপ্তর, নারায়ণগঞ্জ।
সদস্য	-	প্রশাসক, নারায়ণগঞ্জ সিটি কর্পোরেশন।
সদস্য	-	পুলিশ সুপার, নারায়ণগঞ্জ।
সদস্য	-	যুগ্মপরিচালক, বাংলাদেশ অভ্যন্তরীণ নৌ-পরিবহন কর্তৃপক্ষ, নারায়ণগঞ্জ।
সাচিবিক সহায়তা	-	নির্বাহী প্রকৌশলী-২, নারায়ণগঞ্জ সিটি কর্পোরেশন।

**(১৩) বাজারমূল্য পর্যবেক্ষণ, মনিটরিং ও নিয়ন্ত্রণ সংক্রান্ত স্থায়ী কমিটি:**

সভাপতি	-	উপ মহাব্যবস্থাপক, তিতাস গ্যাস লিমিটেড, নারায়ণগঞ্জ।
সদস্য	-	প্রশাসক, নারায়ণগঞ্জ সিটি কর্পোরেশন।
সদস্য	-	জেলা প্রাথমিক শিক্ষা অফিসার, নারায়ণগঞ্জ।
সদস্য	-	উপ সহকারী পরিচালক, ফায়ার সার্ভিস এন্ড সিভিল ডিফেন্স, নারায়ণগঞ্জ।
সাচিবিক সহায়তা	-	বাজার কর্মকর্তা, নারায়ণগঞ্জ সিটি কর্পোরেশন।

**(১৪) দুর্যোগ ব্যবস্থাপনা সংক্রান্ত স্থায়ী কমিটি:**

সভাপতি	-	উপ সহকারী পরিচালক, ফায়ার সার্ভিস এন্ড সিভিল ডিফেন্স, নারায়ণগঞ্জ।
সদস্য	-	প্রশাসক, নারায়ণগঞ্জ সিটি কর্পোরেশন।
সদস্য	-	অতিরিক্ত জেলা প্রশাসক (উন্নয়ন ও মানব সম্পদ), নারায়ণগঞ্জ।
সদস্য	-	নির্বাহী প্রকৌশলী, ডিপিডিসি, নারায়ণগঞ্জ।
সাচিবিক সহায়তা	-	সহকারী সাচিব, নারায়ণগঞ্জ সিটি কর্পোরেশন।

**(১৫) আইন-শৃঙ্খলা সংক্রান্ত স্থায়ী কমিটি:**

সভাপতি	-	পুলিশ সুপার, নারায়ণগঞ্জ।
সদস্য	-	প্রশাসক, নারায়ণগঞ্জ সিটি কর্পোরেশন।
সদস্য	-	অতিরিক্ত জেলা প্রশাসক (উন্নয়ন ও মানব সম্পদ), নারায়ণগঞ্জ।
সদস্য	-	প্রতিনিধি, রাজধানী উন্নয়ন কর্তৃপক্ষ (রাজউক), নারায়ণগঞ্জ।
সাচিবিক সহায়তা	-	প্রধান সমাজকল্যাণ ও বস্তি উন্নয়ন কর্মকর্তা, নারায়ণগঞ্জ সিটি কর্পোরেশন।

**সিদ্ধান্ত:** সভায় উপস্থিত সকলে একমত পোষণ করায় এবং কোনো সংশোধনী না থাকায় উপরোক্ত আলোচনায় বর্ণিত স্থায়ী কমিটিসমূহ সর্বসম্মতিক্রমে অনুমোদিত হয়।

**বাস্তবায়নে:** প্রশাসন বিভাগ, নারায়ণগঞ্জ সিটি কর্পোরেশন।

## আলোচ্যসূচি -৪: নারায়ণগঞ্জ সিটি কর্পোরেশনের আওতাধীন এলাকায় অযান্ত্রিক (রিজ্বা, ভ্যান, ঠেলাগাড়ি) মালিকানা লাইসেন্স প্রদানের বাৎসরিক নিবন্ধন ফি আদায় ও নবায়ন সংক্রান্ত আলোচনা।

**আলোচনা:** নারায়ণগঞ্জ সিটি কর্পোরেশনের সচিব (উপসচিব) জনাব মোঃ নূর কুতুবুল আলম জানান যে, বর্তমানে নারায়ণগঞ্জ সিটি কর্পোরেশনে প্যাডেল রিজ্বা ১৭,৪৪২ টি। ইতোমধ্যে সিটি কর্পোরেশন হতে নবায়নের জন্য বিজ্ঞপ্তি দেয়া হয়েছে। সিটি কর্পোরেশনকে আর্থিকভাবে স্বনির্ভর করার জন্য নতুন নতুন খাতের বিপরীতে রাজস্ব আহরণের জন্য সিদ্ধান্ত নেয়া যেতে পারে। বর্তমানে বিদ্যমান রাজস্ব আয়ের উপর সিটি কর্পোরেশন এর উন্নয়ন কাজ করা সম্ভব নয়। তাছাড়া সরকারি অনুদান বা প্রকল্প সাহায্য দিন দিন কমে যাচ্ছে। নারায়ণগঞ্জ সিটি কর্পোরেশনের রিজ্বা/ ভ্যানের লাইসেন্সের বর্তমান চিত্র নিম্নরূপ:

রিজ্বার (মিশুক ও পায়ে চালিত) সংখ্যা					
অঞ্চল	বিদ্যমান লাইসেন্সের সংখ্যা			নবায়নকৃত লাইসেন্সের সংখ্যা	
নারায়ণগঞ্জ	১০,৭৬৫ টি			১,৯৭০ টি	
সিদ্ধিরগঞ্জ	৫,৯৬৬ টি			২২৪ টি	
কদমরসুল	৭১১ টি			০	
মোট	১৭,৪৪২ টি			২,১৯৪ টি	
ভ্যান ও ঠেলাগাড়ির সংখ্যা					
অঞ্চল	ভ্যানগাড়ির সংখ্যা			ঠেলাগাড়ির সংখ্যা	
নারায়ণগঞ্জ	১,২০০ টি			৫০০ টি	
রিজ্বা/মিশুক এর লাইসেন্স ফি					
নবায়ন ফি	চালক ফি	প্লেট ফি	ভ্যাট	বিলম্ব ফি	মোট
৫,৬০০/-	৮০০/-	৭০০/-	১,০৬৫/-	২০০/-	৮,৩৬৫/-
ভ্যানগাড়ির লাইসেন্স ফি					
নবায়ন ফি	চালক ফি	প্লেট ফি	ভ্যাট	বিলম্ব ফি	মোট
২০০/-	১০০/-	১০০/-	৩০/-	-	৪৩০/-
ঠেলাগাড়ির লাইসেন্স ফি					
নবায়ন ফি	চালক ফি	প্লেট ফি	ভ্যাট	বিলম্ব ফি	মোট
২০০/-	১০০/-	-	৩০/-	-	৩৩০/-

বর্ণিত আলোচনার প্রেক্ষিতে সভাপতি মহোদয় বলেন যে, নারায়ণগঞ্জ সিটি কর্পোরেশনের ০৩ অঞ্চলের জন্য ০৩টি কালার কোডিং করে রিজ্বা চলাচলের জন্য অনুমতি প্রদান করা হয়েছে। কিন্তু শহরে অবৈধ রিজ্বার পরিমাণ প্রায় লক্ষাধিক। যার বেশির ভাগই আসে শহরের বাইরে থেকে। এজন্য শহরে প্রতিনিয়ত যানজট লেগেই থাকে। এ সমস্যা সমাধানের জন্য তিনি উপস্থিত অতিরিক্ত পুলিশ সুপার এর দৃষ্টি আকর্ষণ করেন এবং এ বিষয়ে সমস্যা সমাধানের জন্য জেলা পুলিশ, জেলা প্রশাসন এবং নারায়ণগঞ্জ সিটি কর্পোরেশন কর্তৃপক্ষ যাতে একসাথে কাজ করে সে ব্যবস্থা গ্রহণ করা হবে। সভায় এ বিষয়ে বিস্তারিত আলোচনা হয়।

**সিদ্ধান্ত:** বিস্তারিত আলোচনান্তে, নারায়ণগঞ্জ সিটি কর্পোরেশনের রাজস্ব আয় বৃদ্ধির লক্ষ্যে উপর্যুক্ত ছকে বর্ণিত ফি অনুযায়ী বর্তমানে যেভাবে রিজ্বা/ মিশুক, ভ্যানগাড়ি, ঠেলাগাড়ি ইত্যাদি বিষয়ে ফি আদায়পূর্বক নবায়ন কার্যক্রম চলমান রয়েছে তা অব্যাহত রাখার বিষয়ে সর্বসম্মত সিদ্ধান্ত গ্রহণ করা হয়।

**বাস্তবায়ন:** লাইসেন্স শাখা, নারায়ণগঞ্জ সিটি কর্পোরেশন।

## বিবিধ আলোচ্যসূচি- ৫ (১): সোনালী ব্যাংক নিতাইগঞ্জ শাখা এর ATM বুথ স্থাপন সংক্রান্ত আলোচনা।

**আলোচনা:** প্রধান হিসাব রক্ষণ কর্মকর্তা জনাব মোঃ হেলায়েত হোসেন জানান যে, গত ০৬/০৮/২০২৪ খ্রিঃ তারিখে সোনালী ব্যাংক পিএলসি নিতাইগঞ্জ শাখার ম্যানেজার (প্রিন্সিপাল অফিসার) জনাব মোহাম্মদ জাহাঙ্গীর আলম কর্তৃক ATM বুথ স্থাপনের জন্য স্পেস বরাদ্দের জন্য আবেদন দাখিল করা হয়েছে। আবেদনে অবলোকনে জানা যায়, নারায়ণগঞ্জ সিটি কর্পোরেশনের সার্বিক সহযোগিতায় বিগত ০২/০৬/২০২৪ খ্রিঃ তারিখ হতে নগর ভবনে তারা কার্যক্রম শুরু করেছে। শাখাটি সিটি কর্পোরেশনের মূল ভবনের ৩য় তলায় হওয়ায় অনেক সাধারণ (বিশেষ করে বয়স্ক ও অসুস্থ) গ্রাহকের উঠানামায় অসুবিধা হয়। এ সমস্যা লাঘবে এবং কর্পোরেশনের আওতাধীন নাগরিক সেবা সুনিশ্চিত করার স্বার্থে নগর ভবনের পশ্চিম দিকের প্রধান রাস্তা সংলগ্ন দক্ষিণ ফটকের গার্ড শেডের মধ্যে একটি এটিএম বুথ স্থাপন করা প্রয়োজন মর্মে আবেদন জানিয়েছেন।

তিনি আরোও জানান, উক্ত জায়গা ব্যবহারের জন্য সিটি কর্পোরেশনকে এ বাবদ প্রতি মাসে নির্ধারিত ভাড়া প্রদান করা হবে এবং এটিএম বুথ স্থাপনের সম্পূর্ণ ব্যয় আবেদনকারী কর্তৃপক্ষ কর্তৃক বহন করা হবে। এ বিষয়ে সদয় সিদ্ধান্ত গ্রহণের জন্য তিনি বিষয়টি উপস্থাপন করেন। সভায় এ বিষয়ে বিস্তারিত আলোচনা হয়।

**সিদ্ধান্ত:** বিস্তারিত আলোচনান্তে, নারায়ণগঞ্জ সিটি কর্পোরেশনের রাজস্ব আয় বৃদ্ধির লক্ষ্যে উক্ত এটিএম বুথ স্থাপনের অনুমতি প্রদানের বিষয়ে সর্বসম্মত সিদ্ধান্ত গ্রহণ করা হয়।

**বাস্তবায়নে:** হিসাব বিভাগ ও সম্পত্তি বিভাগ, নারায়ণগঞ্জ সিটি কর্পোরেশন।

**বিবিধ আলোচ্যসূচি- ৫ (২): নারায়ণগঞ্জ সিটি কর্পোরেশনের দক্ষ শ্রমিকদের অর্থ বিভাগের ০৭.০০.০০০.১৭৩.৬৬.০৫৯.১৫ (অংশ-১)-৯৩, তারিখ: ১২/১০/২০২০ খ্রিঃ নম্বর স্মারক অনুযায়ী ০১/১০/২০২৪ খ্রিঃ তারিখ থেকে দৈনিক মজুরি প্রদান সংক্রান্ত আলোচনা।**

**আলোচনা:** নারায়ণগঞ্জ সিটি কর্পোরেশনের প্রধান নির্বাহী কর্মকর্তা জনাব মোহাম্মদ জাকির হোসেন জানান যে, ২০১১ সালে প্রতিষ্ঠিত নারায়ণগঞ্জ সিটি কর্পোরেশনে ১৬৩ জন স্থায়ী কর্মকর্তা কর্মচারী, ১৫ জন চুক্তিভিত্তিক কর্মচারী, ৭৩ জন আউটসোর্সিং কর্মচারী, ২৮৯ জন দক্ষ শ্রমিক এবং ১,১৩২ জন পরিচ্ছন্নকর্মী কর্মরত রয়েছেন। সাম্প্রতিক সময়ে ২৮৯ জন দক্ষ শ্রমিক স্থানীয় সরকার বিভাগের নং-০৭.০০.০০০.১৭৩.৬৬.০৫৯.১৫(অংশ-১)-৯৩ তারিখ: ১২/১০/২০২০ খ্রি: অনুযায়ী নিয়মিত দক্ষ শ্রমিকদের জন্য দৈনিক ৬০০/- টাকা হারে মজুরি প্রাপ্তির দাবিতে আন্দোলন শুরু করেন। আন্দোলনের প্রেক্ষিতে উক্ত পরিপত্র অনুযায়ী তাদের সাথে আলাপ আলোচনা করে সভাপতি মহোদয়ের সদয় বিবেচনায় যারা দৈনিক ০৮ ঘন্টা করে কাজ করে তাদের দৈনিক ৬০০/- (ছয়শত) টাকা করে মজুরি নির্ধারণ করা হয়। এজন্য প্রতিমাসে আনুমানিক ৫৪,২৩,০০০/- টাকা বর্তমান খরচের চেয়ে অতিরিক্ত খরচ হবে।

আলোচনায় অংশ নিয়ে সভাপতি মহোদয় বলেন যে, যারা অফিসে ৮-১০ ঘন্টা করে কাজ করে তাদের মজুরি বৃদ্ধি করার ফলে প্রতি বছর প্রায় ২.৫ কোটি টাকা বেশি খরচ হবে। অতিরিক্ত এ অর্থের পরিমাণ Tax বৃদ্ধি করে আদায় করার জন্য সচিব, স্থানীয় সরকার বিভাগ এবং মাননীয় উপদেষ্টা মহোদয়ের নিকট হতে নির্দেশনা পাওয়া গেছে।

**সিদ্ধান্ত:** বিস্তারিত আলোচনান্তে, বর্তমান বাজারের দ্রব্যমূল্যের উর্ধ্বগতির কথা বিবেচনায় রেখে যারা ৮-১০ ঘন্টা অফিসে কাজ করে তাদের দৈনিক ৬০০/- (ছয়শত) টাকা হারে মজুরি প্রদানের সর্বসম্মত সিদ্ধান্ত গৃহীত হয়।

**বাস্তবায়নে:** হিসাব বিভাগ, নারায়ণগঞ্জ সিটি কর্পোরেশন।

**বিবিধ আলোচ্যসূচি- ৫ (৩): TCB এর উপকারভোগীর নামের তালিকা হালনাগাদকরণ সংক্রান্ত আলোচনা:**

**আলোচনা:** প্রধান সমাজকল্যাণ ও বস্তি উন্নয়ন কর্মকর্তা জনাব কে এম ফরিদুল মিরাজ এ সম্পর্কে টিসিবি কার্ড উপকারভোগীদের ওয়ার্ডভিত্তিক বন্টনকৃত তথ্যাদি সভায় উপস্থিত সকলকে অবগত করেন। যা নিম্নরূপ:

ওয়ার্ড নং	টিসিবি হতে বরাদ্দ	মেয়র	কাউন্সিলর	সংরক্ষিত কাউন্সিলর	সিডিসি	সর্বমোট	এন্ট্রির সংখ্যা
১	১১৫০০০	১৭৮	৫৯৮৯	১৪৩৩	১৪০৬	৯০০৬	৫৭০১
২		২১৪৫	১৭৪৬	৬৫৪	৮৯০	৫৪৩৫	৩১৭৮
৩		১০৩	২৫৭০	৩৮৪	৭০	৩১২৭	১৫২৯
৪		৫৮২	১২০৯	৪৩৯	৫১২	২৭৪২	২৩৫০
৫		৫৬	১৮০৭	১০৫৬	১১১৭	৪০৩৬	২৮৩৮
৬		৪৫৫	১৯৫৫	৪১৫	২৬৭০	৫৪৯৫	৩৫০১
৭		৩৬৮	৪২১১	৭১	০	৪৬৫০	৪০২৭
৮		৫৫০	৪৩২৪	৩৪৯	১৪৪০	৬৬৬৩	৫৪৮৭
৯		৬৪৭	১৪১০	১৪০	১৫৮৩	৩৭৮০	২৭১৬
১০		১৮৫	২০৩০	২৬৩	১৪৭২	৩৯৫০	২৯০০
১১		৯৮	৫০৩৫	১২১	৯৪৪	৬১৯৮	৪৯৯৫
১২		৪৮৮	১৫০০	১০০	১৫৭১	৩৬৫৯	২৯৯৩
১৩		১৪১	১৪৮০	৬৯৭	২০০৭	৪৩২৫	৩৬৪৩
১৪		৭৪	২৫৯১	২৯৬	১৪১৭	৪৩৭৮	২৭৬০
১৫		১৮১	১২৬৩	১৬৮	১২০৫	২৮১৭	২৫৪৫
১৬		৪১২	২৪২০	১৩৩৪	১১৪৫	৫৩১১	৪২৭৬
১৭		১৮১	২৭৯৫	২৪৮	১০৬৮	৪২৯২	৩২৫৮
১৮		২৯১	১৫৪৭	৫৯১	২২৫১	৪৬৮০	৩৮৮০


১৯	৬৪২	১৯৬১	২০০	১২২১	৪০২৪	৩১১৭
২০	৬৪৭	১২৬৬	১০৩৬	১১৭২	৪১২১	৩০১০
২১	৪১৫	৪৪৮০	১৯২	১৮০২	৭৩৫৩	৫০৫২
২২	৩১১	২৬৮৯	৬২২	১৮২৩	৫৪৪৫	৩৭৮৩
২৩	৫৯৭	২৩২৯	৯৪৫	১৩২৩	৫১৯৪	৪৪০৪
২৪	১৩৬২	১৮০০	২৪২	১২৩৩	৪৬৩৭	৩২৯৯
২৫	২৬৮	৯৮০	১৩৫২	১৩০২	৩৯০২	২৬৭১
২৬	৪৫	১৬০০	১৮৯	১১৭৮	৩০১২	১৮৬৮
২৭	৩১	২৩৫২	১৭৩	১০৮২	৩৬৩৮	২৫৯৬
মোট-	১১৪৫৩	৬৫৩৩৯	১৩৭১০	৩৪৯০৪	১২৫৮৭০	৯২৩৭৭

উপরোক্ত তথ্যের প্রেক্ষিতে সভাপতি মহোদয় বলেন যে, যাদের আয় দারিদ্র সীমার নিচে মূলত তারা এই কার্ডের সেবা ভোগ করবে। এজন্য যারা নিতান্তই প্রাপ্য তারা যেন কার্ড পায় এবং কোনো অবস্থাতেই যাতে একজন ব্যক্তি একাধিক কার্ড না পায় সেদিকে খেয়াল রাখতে হবে মর্মে নির্দেশনা প্রদান করেন। সে প্রেক্ষিতে অতিরিক্ত জেলা প্রশাসক (উন্নয়ন ও মানব সম্পদ ব্যবস্থাপনা) জানান যে, বরাদ্দকৃত ১,১৫,০০০ উপকারভোগীদের বিপরীতে প্রথম ধাপে ৮২,০০০ কার্ডের তথ্য সঠিক পাওয়া যায়; যা পরবর্তীতে সংশোধন করে ৯২,৩৭৭ এ উন্নীত করা হয়েছে। উপযুক্ত আরোও উপকারভোগী পাওয়া গেলে অবশ্যই সম্পূর্ণ সংখ্যায় কার্ড প্রদানের ব্যবস্থা করা হবে মর্মে জানিয়ে তিনি সভায় উপস্থিত সকলকে আশ্বস্ত করেন। সভায় এ বিষয়ে বিস্তারিত আলোচনা হয়।

**সিদ্ধান্ত:** বিস্তারিত আলোচনান্তে, উপযুক্ত সম্ভাব্য উপকারভোগী পাওয়া স্বাপেক্ষে বরাদ্দকৃত ১,১৫,০০০ কার্ড বিতরণ করা হবে। তবে, আপাতত ৯২,৩৭৭ জন উপকারভোগীদের তৈরীকৃত ডেটা অনুযায়ী টিসিবি কার্ড প্রদানের লক্ষ্যে প্রয়োজনীয় ব্যবস্থা গ্রহণের প্রস্তাব সর্ব সম্মতক্রমে গৃহীত হয়।

**বাস্তবায়নে:** (১) সমাজকল্যাণ বিভাগ, নারায়ণগঞ্জ সিটি কর্পোরেশন, (২) জেলা প্রশাসন, নারায়ণগঞ্জ।

অতঃপর আর কোনো আলোচ্য বিষয় না থাকায় সভাপতি মহোদয় উপস্থিত সকলকে ধন্যবাদ জানিয়ে ও তাদের সু-স্বাস্থ্য কামনা করে সভার সমাপ্তি ঘোষণা করেন।


  
(এ, এইচ, এম কামরুলজামান)  
প্রশাসক  
নারায়ণগঞ্জ সিটি কর্পোরেশন

স্মারক নং-৪৬.১৬.০০০০.০০৪.০৬.১৭৬.২৪ - ৩৫৩

তারিখ: ২৪/১০/২০২৪ খ্রিঃ

সদয় অবগতি/ কার্যার্থে অনুলিপি প্রেরণ করা হলো :

- ১। সচিব, স্থানীয় সরকার বিভাগ, স্থানীয় সরকার, পল্লী উন্নয়ন ও সমবায় মন্ত্রণালয়, বাংলাদেশ সচিবালয়, ঢাকা।
- ২। জেলা প্রশাসক, নারায়ণগঞ্জ।
- ৩। পুলিশ সুপার, নারায়ণগঞ্জ।
- ৪। ----- নারায়ণগঞ্জ।
- ৫। তত্ত্বাবধায়ক প্রকৌশলী, নারায়ণগঞ্জ সিটি কর্পোরেশন।
- ৬। নির্বাহী প্রকৌশলী (সকল), নারায়ণগঞ্জ সিটি কর্পোরেশন।
- ৭। -----বিভাগ/শাখা, নারায়ণগঞ্জ/সিদ্ধিরগঞ্জ/কদমরসুল অঞ্চল, নারায়ণগঞ্জ সিটি কর্পোরেশন।
- ৮। অফিস কপি/ গার্ড নথি, প্রশাসন শাখা।

  
(মোঃ নূর কুতুবুল আলম)  
সচিব (উপসচিব)  
নারায়ণগঞ্জ সিটি কর্পোরেশন

**পরিশিষ্ট - (ক)**

১৬/১০/২০২৪ খ্রিঃ তারিখ রোজ বুধবার সরকার কর্তৃক গঠিত কমিটির ১ম সভায় উপস্থিতিগণের তালিকা: (স্বাক্ষরের ক্রমানুসারে)

- ১) জনাব এ, এইচ, এম কামরুজ্জামান, প্রশাসক, নারায়ণগঞ্জ সিটি কর্পোরেশন।
- ২) জনাব মোহাম্মদ জাকির হোসেন, প্রধান নির্বাহী কর্মকর্তা, নারায়ণগঞ্জ সিটি কর্পোরেশন।
- ৩) জনাব মোঃ নূর কুতুবুল আলম, সচিব (উপসচিব), নারায়ণগঞ্জ সিটি কর্পোরেশন।
- ৪) জনাব মোঃ সাকিব আল রাশি, অতিরিক্ত জেলা প্রশাসক (উন্নয়ন ও মানবসম্পদ ব্যবস্থাপনা), নারায়ণগঞ্জ।
- ৫) জনাব এস এম জহিবুল ইসলাম, অতিরিক্ত পুলিশ সুপার, নারায়ণগঞ্জ।
- ৬) ডাঃ এ এফ এম মুশিউর রহমান, সিভিল সার্জন, নারায়ণগঞ্জ।
- ৭) জনাব আবদুস সালাম, উপ বিভাগীয় প্রকৌশলী (প্রতিনিধি), গণপূর্ত অধিদপ্তর, নারায়ণগঞ্জ।
- ৮) জনাব মোঃ আহসানুজ্জামান, নির্বাহী প্রকৌশলী, স্থানীয় সরকার প্রকৌশল অধিদপ্তর, নারায়ণগঞ্জ।
- ৯) জনাব মোহাম্মদ মাহমুদ খান, নির্বাহী প্রকৌশলী, জনস্বাস্থ্য প্রকৌশল অধিদপ্তর, নারায়ণগঞ্জ।
- ১০) জনাব মোঃ ফিরোজ বিশ্বাস, জেলা শিক্ষা অফিসার (প্রতিনিধি), নারায়ণগঞ্জ।
- ১১) জনাব ফেরদৌসী বেগম, জেলা প্রাথমিক শিক্ষা অফিসার, নারায়ণগঞ্জ।
- ১২) জনাব নাঈম হাসান মাহমুদ, নির্বাহী প্রকৌশলী, ডিপিডিসি, নারায়ণগঞ্জ।
- ১৩) জনাব মোঃ মোস্তাফিজুর রহমান, যুগ্মপরিচালক, বাংলাদেশ অভ্যন্তরীণ নৌ- পরিবহন কর্তৃপক্ষ, (বিআইডব্লিউটিএ), নারায়ণগঞ্জ।
- ১৪) জনাব ফখর উদ্দিন আহাম্মদ, উপ সহকারী পরিচালক, ফায়ার সার্ভিস এন্ড সিভিল ডিফেন্স, নারায়ণগঞ্জ।
- ১৫) জনাব মোঃ সাইফুল কবীর, মোটরযান পরিদর্শক, বাংলাদেশ সড়ক পরিবহন কর্তৃপক্ষ (বিআরটিএ), নারায়ণগঞ্জ।
- ১৬) জনাব প্রকৌশলী এ কিউ এম শাহরিয়ার আলম, উপমহাব্যবস্থাপক, তিতাস গ্যাস লিমিটেড, নারায়ণগঞ্জ।
- ১৭) জনাব এ এইচ এম রাসেদ, উপ পরিচালক, পরিবেশ অধিদপ্তর, নারায়ণগঞ্জ।

**উপস্থিত কর্মকর্তাবৃন্দের তালিকা :**

- ১) জনাব মোঃ আব্দুল আজিজ, তত্ত্বাবধায়ক প্রকৌশলী, নারায়ণগঞ্জ সিটি কর্পোরেশন।
- ২) জনাব মোঃ ইউছুফ আলী, নির্বাহী প্রকৌশলী, নারায়ণগঞ্জ সিটি কর্পোরেশন।
- ৩) জনাব মোঃ ইসমাইল চৌধুরী, নির্বাহী প্রকৌশলী, নারায়ণগঞ্জ সিটি কর্পোরেশন।
- ৪) জনাব মোঃ আজগর হোসেন, নির্বাহী প্রকৌশলী, নারায়ণগঞ্জ সিটি কর্পোরেশন।
- ৫) জনাব কে এম ফরিদুল মিরাজ, প্রধান সমাজকল্যাণ ও বস্তি উন্নয়ন কর্মকর্তা, নারায়ণগঞ্জ সিটি কর্পোরেশন।
- ৬) ডাঃ নাফিয়া ইসলাম, মেডিকেল অফিসার, নারায়ণগঞ্জ সিটি কর্পোরেশন।
- ৭) জনাব মোঃ রেজাউল ইসলাম রাজু, সহকারী প্রকৌশলী (বিদ্যুৎ) [চঃদাঃ], নারায়ণগঞ্জ সিটি কর্পোরেশন।
- ৮) জনাব আব্দুল্লাহ আল জোবায়ের, সহকারী প্রকৌশলী (সিভিল), নারায়ণগঞ্জ সিটি কর্পোরেশন।
- ৯) জনাব শাহ ওয়ালী মাসুদ পাহলভি, কনসালটেন্ট (চুক্তিভিত্তিক), পানি সরবরাহ বিভাগ, নারায়ণগঞ্জ সিটি কর্পোরেশন।
- ১০) জনাব মোঃ আতিকুর রহমান, সম্পত্তি কর্মকর্তা এবং প্রশাসক মহোদয়ের একান্ত সচিব, নারায়ণগঞ্জ সিটি কর্পোরেশন।
- ১১) জনাব মোঃ হেমায়েত হোসেন, প্রধান হিসাব রক্ষণ কর্মকর্তা, নারায়ণগঞ্জ সিটি কর্পোরেশন।
- ১২) জনাব ইশরাত জাকিয়া, সহকারী সচিব, নারায়ণগঞ্জ সিটি কর্পোরেশন।
- ১৩) জনাব মোঃ শাখাওয়াৎ হোসেন রিয়াদ, রেজিষ্ট্রেশন সহকারী, নারায়ণগঞ্জ সিটি কর্পোরেশন।

